

შპს „თბილსერვის ჯგუფი“, მისი დირექტორის ლევან ჯღარკავას სახით, (შემდგომში „შემსყიდველი“) ერთის მხრივ და სს „ჰიუნდაი ავტო საქართველო“ წარმოდგენილი მისი დირექტორის დავით გიორგობიანის სახით (შემდგომში „მიმწოდებელი“) მეორეს მხრივ, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „თ“ ქვეპუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს მე-3 მუხლის 1-ლი პუნქტის „თ“ ქვეპუნქტის და საქართველოს მთავრობის 2011 წლის 21 იანვრის N26 დადგენილების საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია შპს „თბილსერვის ჯგუფი“-ს კუთვნილი 2012 წელს გამოშვება ჰიუნდაი ელანტრას სახ. ნომრით N TG 373 TG წინამდებარე ხელშეკრულების N1 დანართში მითითებული საქონლისა და თანმდევი მომსახურების შეძენა(CPV კოდი 50100000) შპს „თბილსერვის ჯგუფი“-ს კუთვნილი თანხებით.

2. ხელშეკრულების ღირებულება

- 2.1. შესასყიდი ობიექტის ფასი განისაზღვრება ეროვნულ ვალუტაში;
- 2.2. შესასყიდი საქონლის და თანმდევი მომსახურების ღირებულება (ხელშეკრულების ფასი) განისაზღვრება 184 (ას ოთხმოცდაოთხი) ლარის ოდენობით დღგ-ს ჩათვლით.
- 2.3 მისაწოდებელი საქონლის ერთეულისა და გასაწევი თანმდევი მომსახურების ერთეულის ღირებულება მოცემულია ხელშეკრულების დანართი N 1-ში;

3. შესასყიდი ობიექტის ხარისხი

- 3.1 მიმწოდებელი პასუხისმგებლობას კისრულობს, რომ შესასყიდი საქონელი და თანმდევი მომსახურება შეესაბამება ყველა მოქმედ თანამედროვე ტექნიკურ სტანდარტებს და ნორმებს.
- 3.2 მიმწოდებელი აცხადებს, რომ შესასყიდი საქონელი და თანმდევი მომსახურება იქნება უნაკლო.

4. შესასყიდი ობიექტის მიწოდების ვადები და ადგილი

- 4.1. შესასყიდი ობიექტის მიწოდება ხორციელდება 2017 წლის 16 ივნისის ჩათვლით;
- 4.2. მიწოდების ადგილი - ქ. თბილისი.

5. შესასყიდი ობიექტის მიღება-ჩაბარების წესი

- 5.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;
- 5.2 თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს ნაკლოვანი ან უხარისხო საქონლის შეცვლას.
- 5.3 საქონლის (თანმდევი მომსახურებით) მიღება-ჩაბარებაზე უფლებამოსილ პირს წარმოადგენს შპს „თბილსერვის ჯგუფი“-ს ტრასპორტის უზრუნველყოფის განყოფილების უფროსი.

6. ანგარიშსწორების წესი და პირობები

- 6.1. შესასყიდი ობიექტის ღირებულება დაიფარება არა უგვიანეს 10 (ათი) სამუშაო დღისა მიღება-ჩაბარების (შესრულების) აქტის გაფორმების შემდეგ;
- 6.2. ანაზღაურება მიმწოდებელთან განხორციელდება უნაღდო ანგარიშსწორების ფორმით.

7. მხარეთა უფლება-მოვალეობანი

7.1. “შემსყიდველი” ვალდებულია:

7.1.1. ხელშეკრულებით გათვალისწინებული საქონლის და თანმდევი მომსახურების შესყიდვისას საქმის კურსში ჩააყენოს “მიმწოდებელი” ყველა განსაკუთრებული გარემოების შესახებ;

7.1.2 ხელშეკრულებით გათვალისწინებული პირობების შესაბამისად, აუნაზღაუროს “მიმწოდებელს” საქონლის და თანმდევი მომსახურების ღირებულება;

7.1.3 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

7.2 “შემსყიდველს” უფლება აქვს:

7.2.1. შეამოწმოს მიწოდებული საქონლის და გაწეული თანმდევი მომსახურების ხარისხის შესაბამისობა ხელშეკრულებით გათვალისწინებულ პირობებთან, ასევე განახორციელოს კონტროლი და ზედამხედველობა “მიმწოდებლის” მიერ ხელშეკრულების პირობების დაცვაზე;

7.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

7.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

7.3. “მიმწოდებელი” ვალდებულია:

7.3.1. დაიცვას ხელშეკრულებით გათვალისწინებული ყველა პირობა;

7.3.2 მიაწოდოს შემსყიდველს ამ ხელშეკრულების 1.1 მუხლში აღნიშნული შესყიდვის საგანი და მასთან დაკავშირებული დოკუმენტები საკუთრებაში.

7.3.3 ხელშეკრულებით გათვალისწინებული საქონლის და თანმდევი მომსახურების მიწოდებისას საქმის კურსში ჩააყენოს “შემსყიდველი” ყველა განსაკუთრებული გარემოების შესახებ;

7.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

7.4. “მიმწოდებელს” უფლება აქვს:

7.4.1 წარუდგინოს შემსყიდველს ფიზიკურად მიწოდებულ საქონელთან და გაწეულ თანმდევი მომსახურებასთან დაკავშირებული სრული დოკუმენტაცია: საგადასახადო ანგარიშ-ფაქტურა, სასაქონლო ზედდებული და მიღება-ჩაბარების აქტი, რომელსაც ხელი მოეწერება მიმწოდებლის მიერ მიწოდებული საქონლის და გაწეული თანმდევი მომსახურების შემსყიდველის მიერ ხარისხობრივი, რაოდენობრივი შემოწმების და მოწონების შემდეგ და მოითხოვოს მიწოდებული საქონლის და თანმდევი მომსახურების ღირებულების ანაზღაურება ხელშეკრულებით გათვალისწინებული პირობებით;

7.4.2 მოითხოვოს იმ ზიანის ანაზღაურება, რაც გამოწვეულია შემსყიდველის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

7.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8 ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.5 %-ის ოდენობით;

8.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება;

8.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

9. ხელშეკრულების ინსპექტირების პირობები

- 9.1. შემსყიდველი ორგანიზაცია უფლებამოსილია აწარმოოს მიწოდებული საქონლის მოცულობისა და ხარისხის ინსპექტირება;
- 9.2 ხელშეკრულებით განსაზღვრული პირობების კონტროლს განახორციელებს შპს „თბილსერვის ჯგუფი“-ს ტრანსპორტის უზრუნველყოფის განყოფილება.
- 9.3. მიმწოდებლის შერჩევის, ხელშეკრულების შესრულებაზე კონტროლისა და ზედამხედველობის განახორციელებელი პირების ხელწერილი ინტერესთა კონფლიქტში არარსებობის შესახებ წინამდებარე ხელშეკრულებას თან ერთვის.
- 9.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება “მიმწოდებელს” საქართველოს კანონმდებლობით დადგენილი წესის შესაბამისად;

10. ხელშეკრულების პირობების გადასინჯვა

- 10.1. მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 10.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია.
- 10.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების განხორციელების წესის შესახებ დებულებით“ გათვალისწინებული შემთხვევებისა.

11. ფორსმაჟორი.

- 11.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული (სტიქიური და ტექნიკური კატასტროფები; ხანძარი; საომარი მოქმედებები; სამთავრობო გადაწყვეტილებები და სხვა) გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ.
- 11.2 ფორსმაჟორული გარემოებების დროს მხარეები ამ გარემოების დასრულებამდე თავისუფლდებიან ამ ხელშეკრულებით ნაკისრი ვალდებულების შესრულებისაგან.
- 11.3 მხარე, რომელსაც წარმოექმნა ფორსმაჟორული გარემოება, მოვალეა ამის შესახებ 3 (სამი) კალენდარული დღის ვადაში აცნობოს მეორე მხარეს ფორსმაჟორული მდგომარეობის შესაძლო ხანგრძლივობის და სავარაუდო შეწყვეტის დროის მითითებით.
- 11.4 თუ მხარემ მეორე მხარეს დროულად არ აცნობა შექმნილი ფორსმაჟორული გარემოების შესახებ, იგი მოვალეა შეასრულოს ხელშეკრულებით ნაკისარი მოვალეობა.

12. ხელშეკრულების მოქმედების ვადა

- 12.1. ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2017 წლის 16 ივლისის ჩათვლით;

13. დავები და მათი გადაწყვეტის წესი

- 13.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 13.2. თუ “შემსყიდველი” და “მიმწოდებელი” მოლაპარაკების დაწყებიდან 3 (სამი) კალენდარული დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

14. სხვა პირობები

- 14.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;
- 14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 14.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას.
- 14.5 წინამდებარე ხელშეკრულება არ შეიცავს არანაირ სიტყვიერ დამატებას.
- 14.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად.
- 14.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 14.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 14.9 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე. 1 ეგზემპლარი ინახება შემსყიდველთან, 1 ეგზემპლარი გადაეცემა მიმწოდებელს.
- 14.10 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

15. მხარეთა ხელმოწერები და რეკვიზიტები

“შემსყიდველი”
შპს “თბილსერვის ჯგუფი”
დირექტორი

ლ. ჯღარკავა

შპს “თბილსერვის ჯგუფი”
მის: ქ. თბილისი, კახეთის გზატკეცილის N67
საიდ. კოდი: 206267494
ს.ს "ლიბერთი ბანკი" ც.ფ.
კოდი: LBBRGE22
ა.ა GE90LB0113172770216000

“მიმწოდებელი”
სს „ჰიუნდაი ავტო საქართველო“
დირექტორი

დ. გიორგობიანი

სს „ჰიუნდაი ავტო საქართველო“
მის: დავით აღმაშენებლის ხეივანი, მე-12 კმ
საიდ. კოდი: 400013953
ბანკი: სს “თი ბი სი ბანკი”
კოდი: TBCBGE22
ა/ა GE15TB1100000110467697

დანართი N1

წინამდებარე დანართი გამოიყენება მხოლოდ ჩვენს მიერ 2017 წლის 09 ივნისს დადებულ ხელშეკრულებასთან (სარეგისტრაციო N 10-227 ერთად.

N	დასახელება	რაოდენობა	ერთეულის ფასი	საერთო ფასი
	ა/მანქანა ნიუნდაი ელანტრა N TG 373 TG			
1	ფრეონი	200	0,12	24,00
2	ჰაერის ფილტრი	1ც	40,00	40,00
3	კონდენციონერის ფილტრი	1ც	70,00	70,00
4	კონდენციონერის ფილტრის შეცვლა			10,00
5	ფრეონის დამატება			40,00
	საერთო ღირებულება: 184 (ას ოთხმოცდაოთხი) ლარი.			

მხარეთა ხელმოწერები

“შემსყიდველი”
შპს “თბილსერვის ჯგუფი”
დირექტორი

ლ. ჯღარკავა



“მიმწოდებელი”
სს „ჰიუნდაი ავტო საქართველო“
დირექტორი

დ. გიორგობიანი



ხელწერილი
ინტერესთა კონფლიქტის არარსებობის შესახებ

ქ. თბილისი

09 ივნისი 2017 წელი

ჩვენ, ქვემო ხელის მომწერნი ვადასტურებთ, რომ შპს „თბილსერვის ჯგუფი“-ს მიერ 2012 წლის გამოშვება ჰიუნდაი ელანტრას სახ. ნომრით N TG 373 TG სათადარიგო ნაწილების და შეცვლის თანმდევი მომსახურების სახელმწიფო შესყიდვასთან დაკავშირებით 2017 წლის 09 ივნისს სს „ჰიუნდაი ავტო საქართველო“-სთან ხელშეკრულების N 10-227 გაფორმებით, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.

შპს „თბილსერვის ჯგუფის“ დირექტორი

ლევან ჯღარკავა –

შპს „თბილსერვის ჯგუფის“ ტრანსპორტის უზრუნველყოფის განყოფილების უფროსი

გიორგი ბახტურიძე -

შპს „თბილსერვის ჯგუფის“ შესყიდვების სამსახურის უფროსი

გერონტი დარსალია -

3.